



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Tabella Processionis Synodalis, & Precum.

urn:nbn:de:hbz:466:1-11399

Capitula verò, & clerici Ecclesiarum collegiarum, vt collegiatim conueniunt, eodem ordine è synodo discedant prælata Cruce.

Caveant deniq; omnes, quæcunque & ecclesiasticæ disciplinæ, & synodalis actionis dignitati, & loci venerationi minime conueniunt.

Tabella hæc disciplinæ synodalis intra ambitum septi sessionalis certis locis perspicuis publicè affigatur, vt vniuersi & singuli clericalis ordinis homines, non solum videant, sed planè exequantur præscriptas Synodalis Disciplinæ partes.

Præfetti synodalis disciplinæ tabellam hanc accuratissimè exequantur.

Si quos contra quàm præscriptum est, agere animaduernerint, eos officij sui moueant, & corripiant, curentq; vt synodali, canonicèq; subiaceant disciplinæ.

T A B E L L A

Processionis Synodalis, & Precum.

Feria IV. die vij. Maij, summo mane, hora x. præscripta, clerus vniuersus secularis & regularis collegiatim Cruce prælata in ecclesiam Metropolitanam conueniat, & ad cõstitutum locum quietè accedat, ibiq; religiosè confideat, donec processio inchoabitur.

Qui Crucem in processione feret, clericus superpelliceo indutus, seruet in omnibus decorum tanti vexilli, quod fidelibus præfert.

Aptè, decorè, ac rectè ferat. Grauitè, ac religiosè incedat, in ea cogitatione fixus, se ferre Crucem Christi Domini.

Clerus ordine sequatur, atque omni reuerentia, religiosaq; deuotione ita procedat vt exemplo sanctissimæ pietatis, populum excitet ad orandum etiam pro re, cuius causa supplicatio & processio agitur.

Graui incessu ac modo progrediatur ad præscriptum Præfetti.

Clerici omnes bini semper e què procedant, neque inter eos vnquam laicus homo interiectus sit.

Rectè ita incedant, vt, si fieri potest, nè minimum quidem ab ordine discedant, & certum distinctum spatium, nem

pè circiter decem pedum in procedendo seruent.

In via nunquam subsistant, nisi cum præfetti monitu subsistendum est.

Subsistendi, & procedendi significatio, vt opus erit, ordine, & modestè fiat.

Cauendum maxime est, nè vlla ex parte processio interrumpatur, aut impediatur.

Superpelliceo, non lacerò, non aliqua sordè inquinato; sed mundo, candido, ac planè decenti ad præscriptum induti sint. Chyrothecas non induant; Pileum ne gestent.

Flores in manu nè habeant; neque quidquam inane, aut indecorum.

Et procedendo, & subsistendo abstineant omnes à confabulatione, colloquio, curiositate, mentis, oculorumque euagatione.

Cum subsistitur, animo collecto, & ad Deum ex citato, tacitè precentur, attentè ad precationis concentum, quem chorus adhibet, aut ad precem orationemve quæ canitur.

Cum proceditur, Antiphonas, hymnos, psalmos infra annotatos ordine canant omnes.

Cum verò aliquot canentibus, canere alijs non licet, submissa etiam voce psalmum, precemve piam inter se dicant.

Cantus solennes adhibeant, ac cõmunijs ritè, rectè, deuotèq; vtantur.

Capite aperto sint, dum in ecclesia proceditur.

In via cum sacræ imaginè occurrunt, caput item aperiant.

Ad altaria etiam in via, vbi oratur.

Omnis præterea in orando, procedendo consistendo, aut aliquid, vt in processione moris est, agendo ritè faciant ad præscriptum Præfetti processionis: cuius est cauere, vt ne quid errati committatur.

Tabella hæc paulò ante quàm processio inchoetur, clero frequenti de suggestu enuncietur.

Præpositi, Syndici vrbs, Vicarij diocæsani, apud se hanc habeant, vt in suo quiq; clero rectè illi executionè curèt.

Præfetti Disciplinæ Synodalis in id incumbant, vt vniuersè & sigillatim hæc ipsa præsentur ad præscriptum, adhibita etiam opera clericorum designatorum.

Cura

Cura autem erit Cancellarij, vt eadem pridie diei Synodi vnicuique Visitatori, Præposito collegiatæ ecclesie Syndico parochiali, Vicario diocesano tradatur, vt eam pro suo exequatur quisq; munere.

Idem præstabit de Tabella precum in processione solenni synodali ad sanctum Ambrosium.

Præfecti autem disciplinæ synodalis videant sedulo, vt ex præscripto omnia præstentur.

TABELLA PRECVM

In processione solenni ad S. Ambrosium, & reddito ad Ecclesiam Metropolitanam, in celebratione Synodi diocesane Mediolanen.

Hymnus. Veni creator.

Antiph. Sacerdotes tui induantur.

Psal. 131. Memento Domine. In fine. Gloria patri.

Antiph. Sacerdotes tui induantur iustitiam: & Sancti tui exultent.

Psal. 62. Deus Deus meus ad te de luce. In fine. Gloria patri.

Psal. 68. Fundamenta eius in montibus sanctis. In fine. Gloria patri.

Psal. 56. Miserere mei Deus, Miserere mei: quoniam. In fine. Gloria patri.

Psal. 66. Deus misereatur nostri.

Psal. 27. Ad te clamabo. In fine. Gloria patri.

Psal. 81. Deus stetit in synagoga Deorum. In fine. Gloria patri.

Psal. 85. Inclina Domine. In fine. Gloria patri.

Psal. 141. Voce mea ad Dominum clamaui. In fine. Gloria patri.

Psal. 119. Exaudi te Dominus. In fine. Gloria patri.

Psal. 132. Ecce quam bonum.

Psal. 24. Ad te Domine leuaui animam. In fine. Gloria patri.

Psalmi item Pœnitentiales dicentur, & verò, si illis absolutis plus itineris in processione supererit, ijdem repetentur, qui mox supra notati sunt.

Orationes in Basilica S. Ambrosij.

1. Oratio de Spiritu sancto.

2. Oratio de Sancto Ambrosio.

3. Oratio de sanctis martyribus, Geruasio, & Protasio.

4. Oratio pro Ecclesia.

5. Oratio pro peccatis.

Omnes & singuli in processione Breuiarium, aut Psalterium habeant, ad canendum & psallendum vt supra, tam vrbis, quam diocesis.

Præpositi ecclesiarum collegiarum, ex præscripto huius tabellæ, ecclesie sue canonicis, clero in tempore pronuncient, quem psalmum canant.

Syndici idem agant cum Parochis vrbis

T A B V L A

Scrutiniij Synodalis ad vsum Synodi Diocesane vndecimæ Mediolanen. 1584.

Videant sedulo, & grauius præfecti Scrutiniij Synodalis interrogent, atque adeo sigillatim perquirant hæc.

De Vicarijs Foraneis.

An à die S. Martini vsq; ad ordinationem S. Ambrosij visitarint.

An congregationem statam habuerint ante Septuagesimam.

An congregationem feria 2. post octauam Pasche habuerint de ijs, quæ ad Archiepiscopum relaturi sunt.

An à Parochis collegerint, quæ opus habeant correctione & reformatione.

An scripta attulerint ex præscripto Synodi diocesane IIII.

An orationem instituerint pro Synodo.

An per Parochos aliquot ante diebus denunciata sit actio Synodi.

An Sinodalis actionis instructio ad populum.

An populi præcipuis parochorum admonitionibus excitati ad frequentius.

orationis studiū.

ad confessionem.

ad comunionem sumendam die Dominico synodum præpedente.

Reliqua, vt titulo de Parochis, & tit. Communia Cleri.